

Oqaluuserisassanut nassuiaat.

(Inatsisartut Siulittaasoqarfiat)

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap kissaatigaa oqaluuserisassani imm. 21-p - *Kalaallit Nunaanni ilinniaqqiffiusuni ilinniartitsinerup qaffasissusiata misissorneqarnissaanik imaqartumik misissuineramik aallartitsinissamut Inatsisartut aalajangiivigisassaattut siunnersuut. Misissuineq sanilliunneqarsinnaasariaqassaaq misissuineranut nunani allani ingerlanneqarsimasunut assingusunut* – aappassaaneerreqarnissaa UPA2010-mut kinguartinneqassasoq.

Inuusutissarsiornermut Ataatsimiititaliap kissaatigaa oqaluuserisassani imm. 121-p - *Nunaoil A/S pillugu Inatsisartut inatsisissaannut siunnersuut* - aappassaaneerreqarnissaa ulloq 25. november 2009-mut kinguartinneqassasoq.

Aalisarnermut, Piniarnermut Nunalerinermullu Ataatsimiititaliap kissaatigaa oqaluuserisassani imm. 95-ip – *Uunga siunnersuut: Aalisarnej pillugu Inatsisaata nr. 18-ip, 31. oktober 1996-imeersup allangortinneqarnera pillugu Inatsisartut inatsisissaattut siunnersuut. (Siunertanut aalajangersaaneranut aalajangersakkanik allannguuteqartitsineq, allaffissornikkut aqutsineranut siunertanut, kisitsisitigut paasissutissiornermut siunertanut aamma nakkutilliinermut siunertanut atatillugu paasissutissiisussaataaneq, aalisarnermi misissuisartut ilanngunneqarnerat kiisalu atuisut akiliuteqartalernissaanik atuutsitsilernej)-* aappassaaneerreqarnissaa ulloq 25. november 2009-mut kinguartinneqassasoq.

Inatsisinik atortitsineranut Ataatsimiititaliap kissaatigaa oqaluuserisassani imm. 35-ip - *Meeqqanik kinguaassiutitigut atornerluinermut pinngitsaaliillunilu atoqatiginninnermut atatillugu pineqaatissiisutit sukannernerulernissaat aammalu pineqaatissinneqarsimasut pineqaatissinneqarnerminnut atatillugu katsorsarneqartalernissaat siunertaralugu Naalakkersuisut Qallunaat Nunaanni Naalakkersuisunik isumaqatigiinniarnermik aallartitsissasut Inatsisartunit peqquneqarnissaannik aalajangiiffigisassatut siunnersuut* – aamma imm. 43-p - *Nunatsinni Naalakkersuisut qallunaat nunaanni naalakkersuisunut isumaqatigiinniarnermik aallartitsissasut, nunatsinni ikiaroornartup atugaaneranut tuniniarneqartarneratalu akiorniarneqarneranut, qallunaat nunaanni nunatsinnilu politiit suliniutinut annertusaanissamik suleqatigiinnissaat siunertaralugu aalajangiiffigisassatut siunnersuut* - oqaluuserineqarnissaat UPA2010-mut kinguartinneqassasoq.

Avatangiisit illersorneqarnissaat pillugu Naammagittaalliuuteqartarfimmut siulittaasussamik toqqaasoqartussaammat, taamatullu aamma Kalaallit Nunaata Eqqartuussiviani eqqartuusseqataasartussanik nutaanik toqqaasoqartussaammat oqaluuserisassani imm. 5-ip pingasunngornermi ulloq 25. november oqaluuserisassani immikkoortutut kingullertut oqaluuserineqassasoq inassutigineqarpoq.

Siumup kissaatigaa Jens Immanuelssenip piffissami novembarip ulluisa 23-ianniit 27-iat ilanngullugu Malik Berthelsenip meerartaarnermut atatillugu sulinngiffeqarnerani sinniisussatut ukiakkut ataatsimiinnermi peqataanerata sivitsorneqarnissaa. Siulittaasoqarfiup taamatut kissateqarnerup akuerineqarnissaa inassutigaa.

Inatsisartunut ilaasortat Doris Jakobsen (S) aamma Juliane Henningsen (IA) akornanni ulluni 23. – 27. november taasisarnissat eqqarsaatigalugit isumaqatigiissuteqartoqarsimavoq